

Kira&Mimi, 9j.



suechet zäme äs nöiis Daheime i Wohnigshautig

Liebi Tierfründe

Lueget einisch, sy mir nid 2 ganz 2 Härzigi? Üs chasch nur ar Schwanzschpitz ungerscheide: d'Kira het e wiisi, d'Mimi e schwarzi. Mir sy Schwoschte u uuzertrännlech u zäme uf dr Suechi nach eme nöiie Daheime. Warum? Bi üsem Froueli het's es paari Veränderige gäh, brueflech u privat, u sy het itze eifach viu zwänig Ziit für üs. Sy isch so oft wäg. Das macht bsundrs dr Kira z'schaffe, sy proteschtieret immr, we s'Froueli zläng weg isch, u biselt uf ihre Sache. Sy chei Zueschtänd. Mir sy eifach nüm häppy so. Drum!

Mir sy 9jährig kaschtriert, grundimmunisiert, chippet, sunsch schtuberein (we s'Froueli nid wiedr länger furt isch) u gsung. Grad d'Kira isch erscht dürechecket worde, aues beschtens, chei Niere- odr Blaseprobläm, sy biselt definitiv, wiu sy sech vernachlässigt fühl. Mir sy böidi sähr mönschebezoge u aahänglech u schmüsele für üses Läbe gärn. D'Kira sogar no meh aus d'Mimi, sy isch sähr extrovertiert. U denn Schpiue: am liebschte mit Angu u Fädeli, die wackle so luschtig. Das macht Schpass! Mit Dir zäme!

Mir wönnt unbedingt zäme bliibe u sueche iifühlsami Lüüt, die wo zu üs luege u sähr viu Ziit mit üs verbringe möchte, ou gärn e Familie mit grösseri Ching so ab 12i., Houptsach, es isch fascht immr öpper daheim u für üs da. Mir sy gar nid gärn allei. Hung, angeri Chatze u chlini Ching wönnt mir nid daheime. U Wohnig mit gsicheretem Baukon reicht üs, zum Sünnele u Vögeli beobachte. Was meinsch, chönntisch Du üs so öppis biete? Hesch Du es Härz für Tigerlis u ganz ganz viu Ziit? U en gsicherete Baukon mit ere schpannende Uussicht? Ja? Uuh, denn chönnt das üses nöiie Daheime sy, denn müesset mir üs unbedingt lehre chenne. Mir wohne im Moment no z'Sent/GR, züggle aber gärn zu Dir, wo ou immer Du wohnsch. Mäud Di doch bitte ganz gly bi dr Sonja Ball. Sie het sich üs agno u suechet für üs das nöiie Plätzli. Mir fröie üs ganz fescht uf Di !

Dini Kira&Mimi



Katze sucht Mensch - Mensch sucht Katze

Sonja Ball

Tel.Nr. 079 333 45 62 (Mo-Fr 18-20h)

kontakt@katze-sucht-mensch.ch